


卷二十

書名 駁案新編三十二卷
撰者 清全士潮等輯
卷 均刑地極雲款凡七乾發
內容 史政書法令刑案
分類 大木法類例案
索書號 B385.2000



駁案新編卷一

名例上

直隸司 一起為遵 旨議奏事看得天津縣民船戶劉治等偷賣剝船漕米一案據直隸總督周元

理奏稱劉治籍隸天津種地營生乾隆三十九年六月間伊叔劉漢公病故遺船一隻該犯即雇天津

民人趙魁周煥駕至楊村一帶攬載度日七月二十三日有湖北蘄州衛頭幫運丁宗志勝雇伊船剝運

米二百五十石言定雇價飯米令隨丁宗得遠押運劉治又添雇田七宋通李成幫駕開行劉治因所得

雇價不敷還帳水手工錢又無開發遂起意偷賣漕米商之趙魁等許以賣米錢文該犯自得一半水手

五人分半趙魁等俱各允從船至北蔡村地方劉治將船停泊上岸與素識之酒米鋪戶旗人方天

禿告欲賣方天禿信以為實每石議定價錢一千文劉治又慮宗得遠在船押運不便偷竊即

沽燒酒回船與宗得遠對飲宗得遠醉後睡臥後艙該犯隨至方天禿鋪內借取口袋五條交給水

手搬運內該犯在鋪自飲後見運米太多即令歇手方天禿始知係偷盜之米因貪得便宜不愿

退還數先給該犯制錢十八千約以賣出再給劉治携錢至船趙魁等均分劉治隨携錢文至

楊村王家鋪地方宗得遠酒醒見米短少查問水手趙魁等哄稱上岸找尋劉治各自逃散劉

駁案新編 卷一名例上 方天禿

東洋文化研究所漢籍目錄 編號: B385.2000
東洋文化研究所漢籍目錄所藏漢籍善本全文影像資料庫 索書號: 大木法類例案-22
漢籍善本全文影像資料庫 駁案新編三十二卷
版權所有: 東京大學 東洋文化研究所
使用上の注意事項

駁案新編卷二十

刑律關毆上

謀殺人不
知情脇逼
加功擬杖

廣東司 一起為弟死非命等事會看得高明縣民鄧奕中等商謀捆縛總麻服弟鄧科太淹死一案先據廣東巡撫蘇昌疏稱緣鄧科太遊蕩為匪屢訓不悛乾隆十六年輪值鄧奕中經管嘗銀三月十二日鄧奕中備具祭物邀同族人鄧惠中鄧二劭鄧亞二鄧君選鄧朝爵鄧卓基并鄧科太齊赴祖墳拜祭飲畢回至祠前清算嘗租鄧卓基先歸鄧科太窺見嘗銀尚有餘剩即欲那借鄧奕中不允鄧科太氣忿舉手向打經鄧君選鄧朝爵勸止鄧奕中斥責其非鄧科太復拔身佩小刀向砍鄧奕中閃避又經鄧惠中鄧二劭奪取小刀鄧科太肆言辱罵并稱將來定行殺害鄧奕中見其兇暴遂起意捆縛淹死以除後患商之鄧惠中鄧二劭允從鄧惠中入祠取繩鄧二劭乘其不備推倒鄧科太捉住兩手鄧科太將脚掙動鄧亞二在旁鄧奕中喝令相幫鄧亞二不依鄧奕中欲行毆打鄧亞二無奈始聽從攀住鄧科太兩脚適鄧惠中攜繩走至將鄧科太手脚捆縛鄧亞二與鄧君選鄧朝爵各先回家鄧惠中鄧二劭扛擡鄧科太至大灣河邊推入水中而歸鄧奕中年老未經同往次早伊兄鄧卓基聞知即往河邊撈獲屍首控縣屢審供認不諱查鄧奕中係鄧科太總麻服兄為首起意鄧惠中係鄧科太小功服兄鄧二劭係鄧科太總

麻服兄聽從下手加功鄧亞二係鄧科太無服族弟應同凡論將鄧奕中依故殺總麻卑幼律擬絞鄧惠中鄧二劬依爲從律擬流鄧亞二擬絞附請未減鄧君選等擬杖等因具題經 臣部將鄧奕中鄧惠中鄧二劬鄧君選等照擬核覆其鄧亞二一犯據該撫疏稱止因鄧奕中逼令相幫鄧亞二不依鄧奕中欲行毆打鄧亞二無奈始聽從攀住鄧科太兩腳迫鄧惠中搗繩將鄧科太手脚捆縛鄧亞二卽先回家後鄧惠中等將鄧科太擡至河邊推入河中淹死鄧亞二並不在場始初既未與鄧奕中等同謀其攀住兩脚亦非助毆重傷將該犯依謀殺加功律擬絞並聲明可否未減聽候部議等語查鄧奕中等商謀將鄧科太捆縛推河淹斃鄧亞二業經幫按其腿已屬加功但據鄧亞二供稱不知鄧奕中悄悄向鄧惠中鄧二勸講了些什麼鄧二勸就把鄧科太推倒鄧奕中喝令小的攀腳小的不依鄧奕中就說要打小的無奈攀住鄧惠中攀繩把鄧科太手脚拴縛小的就放手跑回家去實沒有與鄧奕中們同謀情事後來誰人把他推入水裏淹死小的都不知道等語卽鄧惠中鄧二勸亦稱鄧奕中潛向小的商量把鄧科太捆縛淹死鄧亞二實沒有與鄧奕中同謀情事是鄧亞二之爲同謀全無確供確證如以鄧亞二幫同攀腳必知謀情則宜訊究同謀實供按律定擬不得輕議原減如止因鄧科太兇暴幫同捆縛而推河淹死情節鄧亞二實屬未知則不得以並未同謀之犯律以謀殺加功又爲量請未減緣情定罪各有正條未便游

移兩請致使供看不符情罪未協應令該撫再行研訊確情按律定擬具題到日再議等因乾隆十七年三月十九日題二十一日奉 旨鄧奕中依擬應絞著監候秋後處決餘依議欽此咨行去後續據該撫疏稱覆加研訊據鄧亞二堅稱鄧科太與鄧奕中爭鬧之際因事非涉已原係站立遠處鄧奕中悄悄向鄧惠中等言語伊並未與聞迨見鄧二勸將鄧科太推倒原欲向前勸阻因被鄧奕中嚇逼意謂捆縛送官聽從幫同攀腳旋即跑走委無同謀情事究請再三矢供不易卽覆審鄧奕中等亦稱因鄧亞二係疎遠族房且素屬畏事恐向商謀轉被攔阻是以乘其遠立潛與鄧惠中等共謀後見鄧亞二走近始行逼令揜腳實非共謀之人核之各犯前審供情悉屬脗合是鄧奕中等之致死鄧科太鄧亞二並未與謀洵無疑義前擬同謀加功原情請減誠屬未協將鄧亞二依律改擬杖責等因具 題前來應如該撫所題鄧亞二合依威力制縛人下手之人減一等律杖七十折責二十五板時逢熱審照例減等發落等因乾隆十八年四月二十七日題二十九日奉 旨依議欽此

威力主使
減外身死

直隸司 一起爲報明事會看得南宮縣民張國棟喝令張可仁毆踢張國宗受傷身死一案先據直隸總督方觀承疏稱緣張國棟係張國宗無服族兄鄰居無嫌乾隆二十九年八月初一日午間張國棟幼孫張五張八在張國宗場內車上頑耍張國宗出而喝止張五等不服頂撞張國宗遂行冒罵張國棟聽

聞護短出與爭論致相吵嚷時張國棟之姪張可仁聞聲出視亦斥張國宗詈罵之非張國宗即向張可仁趕毆張可仁用手架格以致抓傷其脅膻左乳張國棟喝令張可仁隨用脚踢傷張國宗小腹偏右張國宗仍向撲打張可仁復踢傷張國宗腎囊倒地并自擦傷肩甲張國宗負痛益肆詈罵張國棟復令張可仁毆打張國宗翻身欲起張可仁復用脚連踹致傷張國宗脊膂兩處張國宗之子張王敬見而奔救被張可仁毆傷頭面經地方張連登將張國宗扶回家內欲行稟報張國棟央託張連登調處張連登隨勸張國宗俟傷痊愈令張國棟賠禮張國宗允從詎張國宗受傷醫治不痊延至八月三十日殞命屢審供認不諱查張可仁聽從張國棟踢傷張國宗小腹腎囊等處均屬致命之區以致內損吐血延至保辜正限外十日內因傷身死張國宗係張可仁無服族伯應同凡論將張可仁照同謀共毆下手傷重律擬絞聲明係在保辜正限外十日之內因傷身死照例奏請 定奪張國棟依原謀例擬流聲請減徒等因具題查此案張國棟因族弟張國宗喝罵伊孫該犯護孫爭論輒倚恃尊長主使其姪張可仁毆踢傷斃釁起一時並非預先謀毆與同謀共毆之律不符况查張國棟供內因被張國宗辱罵氣忿向伊姪張可仁稱只管打壞了有我擔著等語張可仁隨用脚連踹張國宗脊膂致傷身死實係張國棟主使下手自應將張國棟擬抵今該督將聽從下手之張可仁擬絞主使之張國棟減等擬流聲請減

徒事關首從倒置未便核覆應令該督再行按律妥擬具題到日再議等因題駁去後續據該督疏稱查此案前因張國棟未曾喝令之先張可仁已與張國宗有爭鬪情形是以將下手斃命之張可仁照同謀共毆下手傷重律擬絞張國棟依原謀不問共毆與否律擬杖一百流三千里聲請減徒今經刑部議駁臣覆加確核查張國棟因張國宗喝罵伊孫該犯護孫爭論迫張國宗趕毆張可仁之際張國棟不即禁阻反行喝打以致張可仁將張國宗先後踢踹斃命即同主使將張國棟改擬絞監候張可仁擬流等因具 題前來應如該督所題張國棟應改照威力主使人毆打致死者以主使之入為首絞監候律應擬絞監候秋後處決該督既稱張可仁應改照下手之入為從論減一等律杖一百流三千里至配所折責四十板張國宗雖在保辜正限外十日之內身死但張國棟因主使毆打坐罪並未下手毋庸聲請未減等語查保辜例載若手足傷人辜限外十日之內果因本傷身死情正事實方擬死罪奏請 定奪等語此案既以張國棟擬抵即應張國棟保辜今張國宗於保辜正限外十日之內身死自應一例辦理律無主使之入不應奏請未減之條張國棟所擬絞罪仍應照例奏請 定奪倘蒙 聖恩准其減等臣部行文該督將該犯減為杖一百流三千里仍向該犯名下追埋葬銀二十兩給付屍親收領以為營葬之資張可仁照下手之入為從減主使一等律杖一百徒三年等因乾隆三十一年五月十八日題二

十日奉 旨張國棟主使張可仁毆傷張國宗至保辜限外身死著從寬免死照例減等發落餘依議
欽此

威力制縛
為從

浙江司 一起為稟報事會看得平湖縣民徐元珍偕同徐二觀拴拉徐宸吉致死一案先據浙江巡撫
熊學鵬疏稱緣徐元珍與徐二觀係同堂叔姪均與徐宸吉素無嫌怨徐宸吉本係莊姓自幼為徐二觀
胞叔徐元輝乞養義子娶妻張氏與徐元輝繼妻徐氏同居乾隆二十八年三月徐元輝物故徐宸吉漸
不務實徐氏勸戒不從因前妻之子徐德才尚未成立且有幼男稚女恐徐宸吉將夫產消費遂與徐二
觀之父徐元龍及房族徐文標等商酌撥田四畝并後帶房屋令徐宸吉夫婦另爨度日徐宸吉嗜酒貪
懶不改二十九年二月初五日夜徐宸吉潛至徐元龍稻場竊取柴草經徐元龍長子徐南槐知覺偕同
徐元珍追獲告知徐氏徐元龍等恐其為匪貽累商之徐氏送令歸宗徐氏即同徐二觀徐元珍徐德才
將徐宸吉送交伊本生母倪氏倪氏因已再醮不肯收留當憑徐宸吉妻父張耀廷等寫立筆據將徐宸
吉並妻張氏復交徐氏領回徐氏給與錢米勸令改悔徐宸吉聲言出外幫工竟不歸家至四月初五日
夜徐宸吉潛赴徐元龍酒店竊取釘鞋鴨隻并店夥盛二衣帽等物徐二觀告知徐氏徐氏尚未深信是
日午後徐氏工人趙大在石洞廟看戲見徐宸吉即帶盛二被失原帽亦在戲場趙大叫喚徐宸吉當時

避匿趙大回家告知徐二觀徐二觀與盛二找尋未獲復與徐元珍往訴徐氏徐氏慚忿交集又恐徐宸
吉在外為匪囑令徐元珍等尋覓拉回拘管初八日午後徐元珍至徐二觀酒店飲酒道及徐宸吉未歸
徐二觀因失物未獲訂約同尋時至黃昏乘有月色徐二觀徐元珍沿途尋覓至周公佩車棚徐二觀見
徐宸吉睡臥在地隨即聲喊徐宸吉站起查問徐元珍等令其回家徐宸吉不依徐二觀查問失物徐宸
吉直認花費轉身欲走徐二觀即對面抱住徐宸吉用力掙扎徐二觀令徐元珍幫抱不住復令徐元珍
解帶拴拉徐元珍即解繫腰布繚絞從背後向徐宸吉頭上套下希圖連臂拴縛正在打結徐宸吉將兩
臂撐起繚絞隨勢掀上徐元珍隨手收結致拴項下徐宸吉用手拉扯不肯行走徐二觀又令徐元珍背
回徐元珍隨將繚絞扭緊背上左肩徐宸吉兩手掙扎徐二觀又復相幫揜按同行未及數步徐元珍聞
徐宸吉喉間痰聲急忙放下詎徐宸吉業已氣絕徐元珍等欲圖私埋滅跡復將徐宸吉兩手反縛移至
麥溝徐二觀力怯不能幫揜即同徐元珍回家覓人幫埋及至家內徐二觀抖倒伊母張氏拉入內室徐
元珍情急無措見徐氏尚在廚房即往告知情由時徐德才赴城未歸徐氏聞知驚駭即欲通知伊媳徐
元珍用言嚇阻徐氏畏累隨令工人趙大幫埋趙大亦恐報官累及當即允從徐元珍攜帶繩索門門與
趙大同行又至徐元龍酒店告知徐元龍令店夥盛二同往盛二知事由尋伊失物而起即攜帶鐵搭與

徐元珍趙大同至徐宸吉屍所擡至義塚掘土掩埋而散張氏以夫久出未有下落曾囑徐德才查訪五月初八日徐德才門前所繫牛隻被徐二觀解放徐德才喊罵徐二觀出剖聲音徐宸吉比你還強今在那裏徐德才疑有別情因徐二觀與徐元珍親密即向徐元珍根問徐元珍情虛告知徐宸吉係徐二觀致死徐德才通知張氏投保邀同徐元珍指認埋屍處所報縣驗訊通詳屢審供認不諱再四究詰據該犯等堅供相約追尋實止欲拴拉回家不期將線絞套頸肩背而行以致結緊勒斃不特先無成謀抑且殺非有意反覆嚴究矢口不移查徐宸吉本係莊姓與徐元珍等應同凡論其連次竊物之處不特眾證明確且原失贓物現在該犯實屬有罪之人徐二觀身係事主邀同徐元珍捕獲囑令拴背意在尋回追問失物但徐元珍為徐二觀堂叔並非迫於威力輒聽從拴背致斃即屬下手正兇未便以主使之入當其重罪將徐元珍依共毆傷重律擬絞監候聲明原謀徐二觀已經在監病故徐元珍可否減等擬流請旨定奪趙大等擬以杖笞等因具題前來查律載罪人不拒捕而擅殺者以鬪殺論又律載威力制縛人因而致死者以主使之入為首下手之人為從各等語此案徐宸吉本係莊姓繼與徐二觀胞叔徐元輝為子徐元輝物故徐宸吉不遵母訓屢次偷竊徐二觀家衣帽避匿徐二觀邀同伊叔徐元珍等尋獲拴背致斃該撫將徐元珍依罪人不拒捕而擅殺下手傷重律擬絞徐二觀依原謀共毆律擬流細核案情當徐二觀尋遇徐宸吉之時始而主令徐元珍拴拉繼而復令徐元珍背回及見徐宸吉兩手掙扎徐二觀又相幫揜按未及數步旋即氣絕是徐宸吉非死於徐元珍之拴背實死於徐二觀之幫揜且徐元珍之拴背亦由徐二觀主使準情定法自有首從專條不容牽混乃該撫既將主使為首之徐二觀擬流下手為從之徐元珍擬絞又因徐二觀在監病故復引原謀監斃之例將徐元珍聲請減流殊於律例未協不便率覆應令該撫詳核案情妥擬到日再議等因題駁去後今據該撫疏稱覆加察核徐元珍與徐宸吉本無嫌怨惟因徐宸吉偷竊徐二觀衣物避匿不歸徐二觀邀同徐元珍尋遇徐宸吉即主令拉扭復因徐宸吉倔强徐二觀又令徐元珍背回相幫揜按未及數步徐宸吉之死實由於徐二觀之按揜徐元珍之拴背亦由於徐二觀之主使自應改依威力制縛人致死律分別首從定擬除主使為首擬絞之徐二觀已經監斃不議外徐元珍應改照為從減主使一等律擬流趙大等仍照原議分別杖笞寬免等因具題前來除主使為首罪應擬絞之徐二觀已經在監病故不議外應如該撫所題徐元珍合依威力制縛人因而致死下手之人為從減主使一等律杖一百流三千里事犯到官在乾隆三十年閏二月初七日恩旨以前應減為杖一百徒三年至配所折責四十板再該撫原疏內稱趙大盛二均合依移屍為從律各杖七十徐氏係徐宸吉義母雖訊無主使徐二觀等勒死情事但徐宸吉死後不即首報

復令趙大幫埋應比照子孫被殺父母私和律杖八十係婦人照律收贖徐元龍因子徐二觀主使為首雖得容隱其轉喚盛二移屍應照不應輕律管四十各犯到官在 恩旨以前趙大等杖管各罪均予寬免徐氏並免收贖等語應如該撫所題完結等因乾隆三十一年六月十四日題十六日奉 旨依議欽此

威力制縛人因而致死

浙江司 一起為據實報明事會看得慈谿縣民沈其生因疑沈文昇為賊拴縛致縊一案先據浙江巡撫熊學鵬疏稱緣沈其生與沈文昇同姓不宗素不認識沈文昇住居鎮海石溪頭地方乾隆三十年閏二月十一日伊父沈允公給與白布一段令赴郡城夏廷貴家擡轎營生十六日夏廷貴復令回家將伊父寄存花絮一條給與帶歸沈文昇攜帶布絮不由正路行走繞道至沈其生屋外時已更餘站立牛欄門外沈其生驚聞犬吠因數日前曾經被竊開門出看聲喊有賊趕上扭住經鄰族沈亦中等聞聲先後踵至沈其生取棕繩二條拴住沈文昇項頸并將兩手連臂前縛於柱上沈亦中復將拴頸繩頭繫於樑上并用竹梢毆其左胳膊兩下龔國昌亦用竹梢毆其左腿兩下沈其生邀保謝有章盤問沈文昇說出姓氏住籍妄認所帶布絮係由長石橋偷來等語沈其生聲明日送官先已就寢詎沈文昇輒萌短見將身燵下咽喉扣緊棕繩自縊殞命將沈其生照誣指良民為盜例酌減擬徒咨部准部駁飭審無別故



乾隆三十年六月經律例館奏准邊衛俱改近邊

將沈其生仍照原擬咨部復准部覆以誣指良民為盜充軍例係指未經致死人命者而言若業已致死人命自有威力制縛人因而致死律本條行令再行詳審按律妥擬具題等因提犯研審沈其生因數日前曾經失竊見沈文昇在牛欄外躲避是以心疑為賊將沈文昇捆縛為賊之處實屬有因至沈亦中龔國昌等將沈文昇毆打數下甚輕斷不致於斃命實由沈文昇自己將身燵下以至於死委係自盡似難律沈其生以威力制縛致死之條但沈文昇既已自盡比之未經致死人命者情罪自重從前酌議擬徒實屬過輕將沈其生改照因事用強毆打威逼人致死果有致命重傷雖有自盡實跡例擬軍等因具題前來查律載豪強之人以威力制縛人及於私家拷打監禁因而致死者絞又例載若其人自盡則不可以致死之罪加之止照所毆傷擬罪如有致命重傷及成殘廢篤疾者依因事用強毆打例發邊衛充軍各等語細繹律意凡以威力加人無論縛人及拷打監禁但因而致死者皆當罪坐所因擬絞例內所載其人自盡止照所毆傷擬罪之條則專指主使毆打者而言所毆之傷本未致死實由死者自行輕生方得以所毆傷科罪律例分晰甚明此案沈文昇所攜布絮既據屍親人等供明係伊父給付存留則沈文昇本屬良民沈其生因其夜在牛欄外心疑是賊遽行拴吊律以威力制縛夫復何辭沈文昇項頸既被拴住兩手連臂復捆於柱上彼時沈文昇之身體手足已不能自由則其身往下燵勒傷身死實由被

縛力不能支豈得謂之自盡是沈文昇雖非死於毆實死於縛正與威力制縛人因而致死之律意相符該撫將沈其生照因事用強毆打例擬軍實屬輕縱且拘泥例內有因其人自盡不可以致死之罪加之止照所傷擬罪之文遂舍因而致死本律於不問而反引主使毆打之例亦屬誤會事關罪名出入不厭詳慎應令該撫再行研鞫按律妥擬具題到日再議等因三次題駁去後續據該撫疏稱查沈其生因沈文昇晝夜站立牛欄外心疑是賊遽行拴吊項頸沈文昇既被拴住兩手連臂又被捆於柱上身體不能自由迨後身往下墜致勒身死是沈文昇雖非死於毆究死於縛將沈其生改依威力制縛人因而致死律擬絞監候附請留養等因具題前來應如該撫所題沈其生合依威力制縛人因而致死者絞律擬絞監候秋後處決再查沈其生係威力制縛致斃無辜雖親老丁單未便准其留養等因乾隆三十二年十二月十二日題十四日奉旨沈其生依擬應絞著監候秋後處決餘依議欽此

威力制縛人因而致死

江蘇司 一起為虐斃無辜事會看得奉賢縣民金勝章鎖押佃戶王武京受寒猝斃一案先據蘇州巡撫明德疏稱緣金鼎綬兄弟有田坐落華亭奉賢二縣金鼎綬兩弟幼小一嫂孀居其佃租俱託堂叔金勝章經理乾隆三十一年十一月十八日金勝章因各佃欠租不還以金鼎綬兄弟出名開呈佃欠赴松江管糧通判衙門控追票差王靈督保催完王靈因呈內開佃多人帶同妻舅顧英協催陸續催楚數戶

十二月王靈與顧英商同回家看視齊赴金鼎綬家將票交給金勝章訂以三兩日再來金勝章給與錢三千五百文王靈等接受比時適有欠租佃戶華鳴九顧四觀前來算租抗不清還顧英因已受錢即為出力遂用私帶之鍊將二人對鎖交給金勝章旋同王靈回家金勝章欲帶華鳴九等上城催比金鼎綬欲往南橋親戚家送嫁分坐兩船一同開行初四日早遇見另佃唐文元何大觀張二觀索租不還金勝章即令家人徐雲用船上鎖掛跳板之鐵鍊將唐文元等鎖於船內初五日金勝章見有拖欠金鼎綬孀積年舊租之王武京在岸經過即行拉討王武京以原佃之田已換給伊弟王鑑南及伊子王國珍租種不肯還租金鼎綬在船看見亦出言索討王武京以伊嫂之租不應伊管回答金鼎綬復言嫂孀姪幼伊即應管必欲清還旋即開船而去金勝章當將王武京帶下船內金勝章復欲上岸徐雲以在船人多難以照看恐王武京脫逃金勝章即令將王武京與張二觀對鎖逾時金勝章令徐雲給與眾佃飯食時值隆冬天寒王武京嫌冷未食另自買食酒物至初六日金勝章欲將在船各佃捏稱糧廳押比朦送南橋巡檢代追因王武京拖欠舊租不在開告之列張二觀已許即日交還當將王武京張二觀兩人交船戶看管金勝章將不允還租之唐文元等三名並許俟上岸措還之何大觀帶同徐雲另坐小船赴南橋巡檢衙門求比該巡檢盧銘義拒受理金勝章即將唐文元等帶回適遇廳差王靈已回即將差票鎖

匙交給金勝章帶同何大觀上岸算租詎王武京在船受寒面色改變張二觀令船戶湯九觀找尋金勝章通知時金勝章正在算租聞言回船看見卽令廳差王靈將鎖開落見王武京氣息微弱用湯灌救逾時殞命屍子報縣研審各情供認不諱查金勝章因王武京拖欠舊租令家人鎖押索還致王武京受寒身死雖驗無毆打傷痕但以欠租細事輒將佃戶鎖押以致受寒斃命核其情形實屬強橫金勝章應比照因事用強毆打威逼人致死果有致命重傷雖有自盡實跡例發邊衛充軍金鼎綬等擬以枷杖等因咨部臣部查律載威力制縛人因而致死者絞監候又例載因事用強毆打威逼人致死果有致命重傷雖有自盡實跡發邊衛充軍各等語是致死與自盡情罪迥別是以威力制縛則重其致死之罪律應擬絞威逼毆打則原其自盡之實擬以充軍律例分晰甚明援引難容牽混此案金勝章因各佃戶欠伊堂姪金鼎綬等田租控官催追乃賄囑差役王靈輒敢私搗牌票自將佃戶華鳴九顧四觀唐文元何大觀張二觀俱行鎖押並將呈控無名之舊欠佃戶王武京偶爾途遇亦卽拴鎖拘押船上核其情形殊屬強暴正與威力制縛之本律相符且王武京被鎖在船因隆冬凍餓交迫以致殞命原驗屍格稱係生前受凍身死則並無自盡實跡更屬顯然豈可舍威力制縛因而致死之正條乃牽合援引威逼自盡之比例事關罪名出入未便率覆應令該撫詳酌律例妥擬具題到日再議駁行去後續據該撫疏稱緣王武京

欠租屬實金勝章係收租之人其令家人徐雲將王武京拴鎖意圖追還租米初無凌虐之心與豪強橫暴有間是以酌量情罪將金勝章比例擬軍茲准部駁提犯研訊供認不諱查金勝章爲堂姪孀嫂收租因王武京積年拖欠途次相值卽帶至船內索討復令家人拴鎖拘押因時值隆冬凍餓交迫以致身死誠如部駁與威力制縛因而致死之律義相符金勝章合改依威力制縛人因而致死律擬絞監候金鼎綬等擬以枷杖等因具題前來應如該撫所題金勝章合依威力制縛人因而致死者絞監候律擬絞監候秋後處決該撫既稱金鼎綬訊非知情鎖逼但因王武京拖欠伊嫂田租出言索討致釀人命亦有不合應照不應重律杖八十徐雲聽從指使擅行鎖鍊合依不應重律杖八十王靈得受金勝章足錢三千五百文應從重照蠹役詐贓一兩至五兩例杖一百枷號一個月革役顧英應照爲從減一等杖七十枷號二十五日等語均應如該撫所題完結等因乾隆三十三年三月二十一日題二十三日奉旨金勝章依擬應絞著監候秋後處決餘依議欽此

威力制縛人因而致死者例


江西司 一起爲核擬速奏事會看得崇仁縣革監黃金隆改契折佔余牛房屋山場逼脇代筆之羅寄五誣證致羅寄五被逼自縊一案先據江西巡撫海成咨稱緣革監黃金隆之父黃廷棟在日於乾隆三十四年三月間用錢十二千八百文經羅寄五代筆憑中余衡六等契與余牛祖母余曾氏房屋十八間

每年議交息錢三千文屋仍余曾氏居住余曾氏屋後尚有樂林山場等項不在契內嗣余曾氏身故余牛同兄余試無力償息三十六年五月黃廷棟圖佔山場控稱余牛盜砍樹木以伊長子黃金章出名呈控經縣批查嗣因黃廷棟身故遂寢息三十八年二月黃金隆弟兄分炊余曾氏典契係黃金隆分受時余牛往四川尋父其兄余試係屬啞子在外傭工黃金隆又因余牛欠息不還起意圖佔山業隨將典約改換賣契添註樂林山場等項一併在內即將山木砍伐九株四月二十日又往拆屋經伊兄黃金章同村鄰彭七芳等勸阻黃金隆不從即拆屋搬料回家三十九年三月余牛回家查知控縣黃金隆即粘偽契呈訴經縣飭傳契中質訊黃金隆以原中余衡六謝以洪俱故黃廷麟亦經遠出惟代筆羅寄五現在建郡即雇羅征往尋質證於六月初三日同至黃金隆家隨款留住下囑其作證絕賣羅寄五不從伊子羅蠡前往看問羅寄五亦曾告知至十六日午間黃金隆復向相商羅寄五仍不允從并理斥黃金隆改契之非黃金隆氣忿隨將羅寄五關閉空室至晚始給飯食羅寄五回覆不喫稱欲尋死經工人廖毛聽聞告知黃金隆以為假言恐嚇並不介意次日仍照常給食羅寄五仍不肯喫即於下午在房自縊婢女羊俚瞥見告知黃金隆解卸喊同鄰人楊禮元灌救無及黃金隆計圖掩飾隨令工人熊興萬等將屍移放屋外捏稱羅寄五無故短見投保報縣詣驗查出羅寄五在黃金隆家已十餘日並吊羅寄五平日

所寫字跡與契核對不符黃金隆猶捏偽契狡辯經縣通詳斥革嚴審并恐伊兄監生黃金章有同謀情事亦經詳革究出前情將黃金隆比依棍徒生事行兇無故擾害良人例擬軍仍照威逼人致死律追給埋葬銀兩黃金章訊非知情擬杖納贖等情咨部經部以黃金隆始則倚恃監生捏契吞產繼復將案內人證關閉致斃雖羅寄五死由自戕實因關禁半月聞其不食欲死俱置不理以致自盡顯屬有心致死無人證其捏契遂其霸佔之謀僅依棍徒擾害擬軍殊未允協至該犯之兄黃金章目擊伊弟捏契逼證毫無禁阻擬杖納贖亦未平允等因咨駁去後復據該撫咨稱飭提犯證赴省委員覆審供情無異並究明黃金隆羈留羅寄五在家雖有半月從前俱係款待倘有伊子羅蠡曾來看視直至十六日角口之後始將羅寄五關閉空室遲送晚飯以致羅寄五於次日忿激自縊復訊屍子工人供悉相符再四究詰實非有心致死況契內中證尚有黃廷麟未歸不致有滅證隱情然黃金隆乃敢恃強勢凌鄉里圖佔房產致逼人命情節較重應改發黑龍江充當苦差以示懲創仍追埋葬銀十兩給付屍親收領黃金章於伊弟黃金隆拆佔房屋之時雖曾理阻但於捏契逼證未經禁阻究屬不合應請仍照不應重律杖八十前請納贖洵屬未協應即會同教官當堂懲責其從前誣控余牛盜砍山木係伊父主持父死之後並未續控尙未恃符滋事所革監生仍請開復等因咨覆前來查此案黃金隆圖佔余牛房產捏寫偽契經官駁案新編

傳訊該犯輒將契中代筆之羅寄五誘至伊家逼令扶同誣證追羅寄五不允羈留半月折辱饑餓被逼難堪聲言尋死該犯聞言不顧以致羅寄五自縊輕生並非無意蓋當日契中之黃廷麟久經遠出無蹤其存羅寄五一人羅寄五若死則無人知其誣僞真情是以該犯必欲將羅寄五致死滅口以遂其圖佔房產之心其情顯然易見雖羅寄五死由自戕究因該犯威力挾制於私家監禁饑餓所致今該撫僅擬發黑龍江當差實不足以蔽辜事關罪名出入臣部未便率覆應令該撫再行按律妥擬具題到日再議至黃金章先曾聽從伊父誣告今伊弟捏契佔產致斃人命漫無約束該撫僅擬杖責所革監生聲請開復實屬輕縱應令該撫一併改擬等因奏駁去後續據該撫奏稱遵照部駁逐細嚴加究詰據黃金隆堅供實因捏改契紙尋中款待懇其幫中作證不意羅寄五總不允從至十六日始行角口將伊關閉遲送午飯嗣聞其欲行尋死之言實以爲假言嚇唬並不料其竟自縊死且一聞羅寄五自縊卽忙解救用姜湯灌治現在閒人楊禮元可證況尋羅寄五到家並非只有一人致干滅口遂得圖佔山業現有伊子羅齏曾來看問同留喫飯伊子亦知其事焉敢存心致死其父不怕其子出控之理層層究詰矢口不移惟是該犯圖佔余牛房屋山場將契中羅寄五關閉私家致被逼自縊實與威力制縛人私家監禁致死無異將黃金隆比律擬絞等因具奏前來應如該撫所擬黃金隆應比依威力制縛人私家監禁致死例擬絞監候秋後處決查該犯圖佔產業逼斃人命情罪較重應請入於本年秋審辦理該撫奏稱黃金章先前提從伊父出名誣控今於伊弟捏契佔產致斃人命復漫無約束前擬重杖不足示懲應再加枷號兩個月已革監生不准開復熊興萬等均照前擬分別杖笞黃金隆所砍余牛山木九株并拆毀房屋十八間照依原估銀數扣除余牛得過典價及應找息錢實應賠銀七十二兩一錢追出給交余牛具領山場樂林地基仍歸余牛管業等語均應如該撫所奏完結等因乾隆四十一年五月初八日奏本日奉旨依議欽此

駁案新編卷二十終



所
圖
書

